

皇明經世文編

皇明經世文編卷之二百五十一

陳子龍臥子 宋徵璧尚木

華亭

編輯

徐孚遠闇公 李 雯舒章

卽墨黃 坦參閱

東溟先生集

疏

王邦直

陳愚衷以恤民窮以隆 聖治事 恤民十事

東溟先生以明經為蘄山丞上書陳言時政優

臣伏讀 詔書求言之旨忠盡之心不能自已謹以

旨來答舉朝惡之卒不得究其用情矣

民情之所不便者條為十事上塵 御覽一日減賦

役以招流移。書曰：民惟邦本，本固邦寧。所以古之帝王，不廢困窮，懷保小民，爲此故也。臣見今年以來，差繁賦重，財盡民窮，有司無優恤之仁，吏多科害之擾，丁戶已絕，尚多額外之徵，田土雖荒，猶有包攤之累，里甲浪費，而日不聊生，刑罰過嚴，而肌無完膚，民不能堪，往往流移他處，以全性命。自一州一縣言之，大約流移之民，恒居其半。凡此流移之民，孰非陛下之赤子也。若不設法以招徠之，豈特民之不得其所而已哉。饑寒以迫之於其中，則非心日起，黨與以誘

之於其外則奸謀日深。寇賊剽宄皆繇此出。臣願
陛下軫念元元。深爲固本之思。輕徭薄賦。禁有司之
侵漁。洗弊除殘。革里甲之科擾。覈荒蕪之田土。而蠲
其稅糧。檢影占之人丁。而均其差役。斯流移之民將
自至矣。至於失迷鄉貫者。則使之附籍。隱匿窩藏者。
則治之以法。盜賊何從而作哉。二曰。實倉廩以備凶
荒。王制曰。國無九年之蓄。曰不足。是儲畜者。誠天下
之大命也。近年以來。倉廩空虛。軍衛惟支折色。而升
合之積全無。有司不積穀石。而預備之倉虛設。若加

之以師旅。因之以饑饉。其能免於捐瘠者乎。臣謂軍糧之上納者。當復其本色。屯田之徵收者。當取其籽粒。至於預備倉之儲蓄。尤當多爲設法。各處庫藏。贓罰。宜盡數糶買。各官問斷紙贖。當取其米粟。夫紙贖之取銀。實有司之私弊也。州縣之所問者。多不登報。上司之所問者。多爲餽送。若定爲法制。止許取米。而不許取銀。不惟革各官之侵寇。亦以救天下之民命也。三日戒有司以去奢儉。朝廷之所以整齊臣民者。法也。臣下之所以奉行遵守者。亦法也。近年以來。

法網疎闊，有司放肆，如上司出巡，廩給自有定制也。今則加之以支應，品味竭水陸之珍，蔬果盡南北之異，是其所費者，皆民之財也。如各官乘馬往來，自有定法也。今則皆變之以肩輿，倒班代換，而萬里可行，裹糧迎候，而經旬不已，是其所用者，皆民之力也。一有慶賀，則糜費不經，帳用美錦，字以泥金，玄纁稠疊，食前方丈，何其太也。一有巡遊，則炫耀太甚，旌旗蔽野，士馬如雲，畫輦清笳，金銀鉦果，何其驕也。凡若此類，難以悉舉。夫有司之不守法，皆繇御史之不執法。

也。且以乘轎一事言之。御史乘馬。憲法昭然。惟御史在外乘轎。所以有司皆僭。而御史不能禁也。臣謂有司之僭侈。當責之御史。明之以法制。倡之以儉約。則有司承風效法。自不至於傷財以害民也。四曰清驛。遞以革冒濫。驛遞之設。所以遞送使客。飛報軍情。

國初設法至嚴。若在外有司不守成法。泛濫給驛者。皆處以重罪。近年以來。冒濫太甚。官府之往來。不依勘合。專用飛牌。役使之差遣。倚恃衙門。惟憑紙票。轎或一二十乘。損或八九十擡。多者用夫二三百名。少

者用馬四五十匹。民財既竭。民力亦疲。通之天下。其
不皆然。臣謂當嚴冒濫之禁。制逢迎之罰。其有給與
勘合者。祇依勘合應付。原有夫馬之外。一毫不許擅
動。其有不當馳驛者。不許輒行牌面。若有私自逢迎
彼此一體治罪。廩給之外。不許更用支應。夫馬之外
不許更用響噐。斯驛遞清。而民之財力亦少舒矣。五
日禁勢豪以除暴橫。民之窮困。不特繇于有司之侵
漁。亦多迫于勢豪之暴橫。蓋官豪勢要之家。其堂宇
連雲樓閣冲霄。多奪民之居以爲居也。其田連阡陌

地盡膏腴、多奪民之田以爲田也。至於子弟恃氣陵人、受奸人之投獻、山禁湖濼、奪民利而不敢言、當此之時、天下財貨皆聚於勢豪之家。若不嚴爲禁治、小民之害、何時而已也。臣願勅命風憲、明其法度、居宅之有踰制者、必沒之官府。田土之有侵奪者、必散之小民。子弟有犯、必置於法。家人有犯、必正其刑。嚴投獻之條、明窩主之禁。斯居官者知所警、而民害可漸除矣。六曰正仕途以塞奔競。人才之得失、係治化之盛衰。國初進用人、未不拘一途。有賢良方正通

經孝廉之科。有山林隱逸。懷才抱德之訪。官員多從保舉。不職者則連坐舉主。貢舉必令精選。匪人者則並罪有司。所以士無倖進。而官多得人也。近年以來。專取之於貢舉。已爲不足盡人。又參之以開納之例。名器驟是而可假。奔競之習日盛。廉靜之風日微。臣非謂貢舉之設。不足以得人也。豪傑之才。多出於其間。但其法行既久而蠹弊益滋。士務必得而奸巧日甚。科目之所取者。率多記誦之詞。而乏涵養之學。歲貢之所取者。率多老耄之輩。而寡材能之士。或求題

求講假雲露以栽培。或討保討陞。結城社而依倚。或專事懷挾。而關節潛通。或惟務請求。而苞苴時入。至於開納之例。尤多鑽刺之徒。所以州縣之職。多不得人。而百姓日益窮困也。臣願陛下廣求天下。務得真才。科目之外。更求山林隱逸之人。兼重才德。而不徒取夫文詞。歲貢之中。當行鄉舉里選之法。先考德行。而不徒循夫資格。重守令之職。宜從保舉。其有黨比者。立爲連坐之條。止開納之例。務惜名器。已登仕版者。擬以閒散之任。斯仕途正。而奔競之風自息矣。

七日重功績以明考課。書曰明試以功。此虞廷考課之法也。而成周之制。亦視其田野之治否。賢才之用舍。以行慶讓之典。是以我朝考課之法。稽古定制。專論事蹟。所以官多盡職。而事無不舉也。近年以來。不稽功蹟。專論考語。密封投遞。多假之以行報復之私。暗裝隱微。恒持之以擅威福之柄。風憲不能以自知也。而惟取之於委官。委官不能以自知也。而復憑之於吏卒。毀譽多出於愛憎之口。僞妄率繇於體訪之疎。賄賂可以潛通。賢否竟至淆亂。所以官懷疑。思

恒肆志於貪求。士務逢迎。多不脩夫職業也。臣謂考察之際。當專論功績。視學較賦役而課夫殿最。驗戶口田野。而定夫幽明。稽庶事於勤惰。修廢之間。察民情於苦樂安危之際。無功者不以奸巧獲免。有功者不以質直不容。斯國家之政事無不舉。而官員之賢否亦在其中矣。八曰慎作養。以剔繁冗。治理關於教化。人才係于作養。我朝作養一事。最爲詳盡。近年以來。學較之政不修。人才之真難得。師道不立。善學無聞。夫其未用。已旣爲害於民。使其乘時。豈不播

惡於衆哉。臣謂當嚴其考選。其學無成效者。則不拘其額數。去之而不嫌。夫多重其德行。其行止有虧者。則不論其文章。黜之而非過於刻。至於教官當揀學。行俱優者。克之以重。夫講習。不可徒委之爲養老之區。虛糜俸祿。廩增當選才德出衆者。養之以待夫任用。夫然則真才自出。而其資於治理者。必不淺矣。九曰嚴揀練以修武備。致治之道。則民固當先。保治之規則兵尤至急。蓋民也者。國家之元氣也。兵也者。國家之神氣也。神氣不充。則元氣不固矣。我朝於

武備一事綜理周密遠過前代夫何近年以來山澤草竊屢有潢池之憂夷狄跳梁時爲邊鄙之警其在內也則不能卽捕徒費糧芻以任其滋蔓其在外也則不敢與戰虛其聲勢以聽其自去繇其揀之未精練之未熟是以聞敵之報無不膽寒見敵之形無不股慄兵與將素不相識人與馬素不相關而欲望其有投石超距之能摧鋒陷陣之勇其可得乎臣謂揀練之法不可不預爲之所也其揀之也當黜其病弱汰其疲老選其材能擇其驍勇嚴清勾之法以覆其

籍行招募之令以補其缺務使士皆精銳不至冗食
可也其練之也當課其騎射比其戈矛申其告誓習
其戰陣賞罰必信以激其忠勇果敢之心紀律必明
以變其驕恣悍悖之氣勿徒日張旗鼓從事虛文可
也揀練既精以戰必勝以守必固內可以消寇竊之
萌外可以禦夷虜之患豈至於見敵畏縮而氣已先
沮哉夫揀練之法不獨可施于軍伍而於土兵亦有
所當然者臣以謂 京師東北藩籬單薄其昌平以
東遵化一帶頻年常被虜患合無于山前山後近邊

名。言。至。論。鑿。不。朽。

州縣揀其丁壯盡數而籍爲民兵捐其賦役以爲之
器械供給量其土田之多者給以馬匹擇有司以領
之各於農隙教練武藝無事之日則爲耕稼之民寇
至之時則爲行伍之士數十萬之衆可不旬日而集
不獨可以外抗強虜而亦可以內衛京師此其兵
農合一卽周之伍兩卒旅之法唐之府兵遺意也若
倣而行之則耕稼以足食旣可以舒饋餉之勞訓練
足兵又可以減義勇之後且義勇之所當減者何耶
蓋其驕傲難制虛耗貲財怯弱無能不經戰陣往來

道路尤多剽掠之徒。感念室家。豈有固守之志。豈若
邊鄙之民。狎于其敵。而父子相爲救援。寧於居其而
邑里相爲保守。是非其勇之獨過於人也。知其有所
不免。而有擄掠。歿亡之憂。將以全其親戚。而保其室
家也。若以義勇之所費者。而資土著之民。亦民心之
所樂從也。上兵旣練。客兵獨不可減乎。十日振紀綱
以勵風俗。蓋風俗之美惡。關政教之得失。近年以來。
教化寢微。紀綱日廢。風俗繇是大壞。自其尤者。言士
無節義之守。而奔競成風。吏乏廉靜之操。而貪汙日

著。上司多喜諂佞。而無靡盬之忠。下官專事逢迎。而忘盡職之義。大抵依阿軟熟。惟恐招尤。緘默圓活。以圖保祿。非書之所謂靡靡。詩之所謂泄泄者乎。惟官邪日以愈甚。故民風日以愈漓。不顧廉耻。子弟無孝友之行。鄉隣乏賙恤之仁。陵弱暴寡。而攘奪之俗成矣。奸人逞不軌之謀。愚民感禍福之說。風俗之弊若此。其所以轉移激勸之機。亦惟振其紀綱焉而已矣。所謂紀綱者何也。賢否必明。勿使賢人在野。而不肖者得以倖進也。賞罰必公。勿使有功者不賞。而有罪

者得以倖免也。舉行其教化。以崇尚節義。修明其法
度。以綜核名實。紀綱旣振。在位之士。將盡職救過之
不暇。在野之民。亦畏威安分之不淪矣。風俗豈有不
厚者乎。臣叨蒙卑職。日覩民艱。是以敢竭葵誠。冒瀆
天聽。如果臣言可採。乞勅該部詳議施行。亦天下小
民之幸。宗社億萬年無疆之休也。奉 旨。這所奉
多切時弊。該部看議來說。勿以官卑廢言。

序

律呂總叙

律呂

李本寧先生推其卓識獨悟靈通入激正樂之功不

夫樂何為而作也。本天地之和。以感夫人心者也。今

在韓苑洛下。錢采而練之。太常奏之。明堂洋洋。盈耳

夫陰陽之氣。一升一降。相摩相蕩。欲已之而不能於

可不謂孔子之徒乎

是奮擊之而為雷霆。潤澤之而為風雨。推明之而為

日月。往來之而為寒暑。綱緼煦嫗。和氣薰蒸。品物繇

是而亨焉。化育繇是而成焉。樂之道其有加于是者

乎。古之聖人。有見於此。因制之。以為樂。形見之於聲

容。發揮之於事業。著天地之和。以感人心之和。養其

優游平中之德。以消其暴慢淫邪之氣。無非使人自

易其惡。自至於中。以歸於雅正焉而已矣。故易曰雷

出地奮豫。先王以作樂崇德。殷薦之上帝。以配祖考。
記曰流而不息。合同而化。而樂興焉。樂之道可謂觀
其深矣。稽之上古。樂教已興。伏羲樂曰立基。言伏羲
之代。五運成立。甲曆始基。畫八卦以定陰陽。造琴瑟
以諧律呂。故曰立基。神農樂曰下謀。言神農播種百
穀。濟育羣生。造五絃之琴。演六十四卦。始基立化。設
降神謀。故曰下謀。然而其制猶未備也。其制之備。則
始於軒轅黃帝氏。命伶倫。自大夏之西。取竹於嶰谿
之谷。斷兩節間。長三寸九分而吹之。以爲黃鍾之宮。

次制十二管。於崑崙之下。聽鳳凰之鳴。以制十二律。律呂之制既定。則樂有定體。厥後帝王有作。雖樂不相沿。而其度數之同。則未之或改也。故虞書協時月。正日同律。度量衡。王制考時月。定日同律。然則其所同者。果何謂也。豈非以其度數而爲言耶。故典同掌六律。六同之利。以辨天地。四方陰陽之聲。以爲樂器。凡爲樂器。以十有二律爲之。數度以十有二聲爲之。齊量。但其度數之詳。則有不可得而聞者。何耶。或者當時樂經未亡。其度數之詳。人皆習而知之。固無俟

於諄諄者乎。是其時尚未有異論也。至經秦火之餘。而樂經亡矣。樂經亡。則禮素而詩虛。是一經缺而三經不完也。三經既無所考據。異論遂起。故司馬遷律書出焉。律書以黃鍾爲九寸三分損益。隔八相生。繇是而生十一律。則律呂之制益滅裂而不可復聞矣。竊意以黃鍾爲九寸者。必傳聞于九之說而誤也。蓋子午之數俱九。子爲九分。九之少也。午爲九寸。九之老也。一陽來復而以九寸之老當之可乎。其三分損益。隔八相生。疑古樂經之言。蓋律以子午爲經。左五

律各益三分。右五律各損三分。陰陽贏縮之意也。律以隔八而取應聲。故宮徵商羽角五聲。皆是隔八。陰陽倡和之理也。三分自三分。隔八自隔八。若以三分合于隔八。使律呂之制。至於毫忽微塵而不可窮究。豈不失之愈遠矣乎。今以律書黃鍾九寸。上生下生。損益筭之。黃鍾至夾鍾。差五分奇。夾鍾至姑洗。差三分奇。太簇至夷鍾。差五分奇。夷鍾至南呂。差三分奇。南呂至姑洗。差三分奇。姑洗至仲呂。差五分奇。仲呂至蕤賓。差三分奇。蕤賓至林鍾。差二分奇。林鍾至夷則。差四分奇。夷則至南

呂差二分奇。南呂至無射差四分奇。無射至應鍾差二分奇。應鍾至黃鍾差四寸三分奇。曆家二十四氣。每氣筭之。不差毫忽。今律管之長短。其參差不齊。若是則節中之氣。必不應管。而葭莩之管。必不飛灰。又何以協時月正日而成歲哉。律書既定。後世諸儒之言律呂者。皆倚律書而推律書。既以黃鍾爲九寸。其相生。至於仲呂之不能復於黃鍾。遂謂黃鍾往而不返。故京房於仲呂之下。添執始以下六十律。錢樂之復演爲三百六十律。夫律有十二。古之制也。別爲六

十。演爲三百六十，豈不愈謬矣乎。噫樂之不明久矣。自漢以來，旋宮之樂久廢。歷代相承，皆黃鍾一均變，極七音。唐命祖孝孫、張文收考正雅樂，始爲旋宮之制。一依周禮圜丘，以夾鍾爲宮，其樂六變。方澤以枋鍾爲宮，其樂八變。宗廟以黃鍾爲宮，其樂九變。五郊朝賀燕饗，則隨月用律，可謂度越前代矣。但五音損益，須逐時宜。周以木王，故去商調，以金能尅木，故去之也。唐以土王，當用商調，而去角調，豈可將木德之儀而施土德之用哉。律呂之制，史未明言，豈亦循用

黃鍾九寸之制耶。宋建隆初用王朴樂。以其聲高。近於哀思。詔和峴考兩京表尺。令下一律。仁宗景祐二年。又命燕肅李照宋祁同預考。按照鑄編鐘一簇。其聲猶高。復用和峴舊樂。夫王朴和峴李照之律。雖有高下弗同。然皆以黃鍾九寸爲法。故無所得也。至於李照言四清聲可去。極爲有理。四清聲。自晉以來已有之。蓋以黃鍾爲九寸。其黃鍾大呂太簇夾鍾管長聲不協和。易至奪倫。故半其律。謂之清聲。亦曰子聲。非古之制也。故梁寅曰。杜佑正律之外。有子聲。是不

察計律爲鍾之意。蔡氏十二律。皆有半聲。蓋踵佑之失也。是譏子聲半聲之非也。元豐間。又詔范鎮等詳定大樂。故司馬光范鎮之論。往復數萬言。大約其說有二。鎮主蜀人房庶之說。欲以律生尺。司馬光之說。則以尺生律。反覆諸家之說。不過泥於黃鍾九寸之誤。承舛襲訛。莫覺其非。故西山蔡氏。折衷衆論。以著律呂新書。歷十二辰。而得十七萬七千一百四十七分。緣分毫析巧若天成。其爲書非不精妙也。但以黃鍾爲九寸。其損益相生之謬。變律半律之非。以之和

聲而聲不和。以之候氣而氣不應。是漢唐以降之律呂。非三代以上之律呂也。至我朝李文利糾蔡氏之失。以著律呂元聲。以黃鍾爲三寸九分而生十一律。子午爲經。左右爲緯。升降清濁。妙協陰陽。其所見非不卓然也。但其以左律爲右律。其六九升陽之說。十二月筭之謬。是一人臆見之律呂。亦非三代以上之律呂也。夫黃鍾本三寸九分。則宮聲最清。故爲君。商聲次清。故爲臣。角在清濁之間。故屬之民。自漢而下。皆以黃鍾爲九寸。若黃鍾爲宮。則固無不順矣。若

以他律爲宮。則是以最濁爲君。其臣與民反尊於君。則禮義乖矣。人道廢矣。天道逆矣。其所奏莫非陵上之音。反位而亂倫者也。何望其移風易俗。感格天人者哉。此漢唐宋之治。所以不古若者。皆繇於此也。然則聖人之制作。豈終不可得而見耶。蓋律呂之度數。雖亡。其散見於諸書。猶有存者。顧諸儒之弗察耳。黃鍾三寸九分。呂氏春秋志之矣。圓鍾六變。函鍾八變。黃鍾九變。周禮載之矣。子午之數九。丑未八。寅申七。卯酉六。辰戌五。巳亥四。呂三十六。律四十二。合之七。

十有八。或還或否。黃鍾之數立焉。楊子太玄詳之矣。其見於制作。黃鍾蕤賓爲宮。其樂九變。大呂林鍾爲宮。其樂八變。太簇夷則爲宮。其樂七變。夾鍾南呂爲宮。其樂六變。姑洗無射爲宮。其樂五變。仲呂應鍾爲宮。其樂四變。有唐史可考也。其存於度數。臬氏爲輔。聲中黃鍾之宮。與鳧氏黃鍾之鍾。合其爲量。皆六斗四升。有攷工記可稽也。其方位之數。卽洛書之數。是以河以洛書爲之體也。其相生之數。卽河圖之數。是以河圖爲之用也。縱數七百二十九。楊子雲得之以爲太

玄者此也。積數六千五百六十一。蔡九峰得之以爲
洪範皇極者此也。子午爲經。左右爲緯。其經緯之義。
卽易之陰陽消長之機。陰南陽北。迭爲消長。其清濁
之用。卽樂記清濁迭經之理。本先天圓圖。以序卦氣
之運。本先天方圖。以盡聲卦之變。其候氣也。則正之
以中星。參之以晷影。考之以日月之會。以符其飛灰
之節。其應曆也。則取之以中氣。驗之以物候。稽之以
氣朔閏餘之數。以合其周天之度。其應五氣。則本之
於素問。其應八風。則參之以後天。五音六律。十二管

還相爲官，取禮運還相爲官之法，官商角徵羽五聲
本人聲而正之以律。本虞書依永和聲之義，以官商
角徵羽爲五聲，清濁之次，以官徵商羽角爲五聲，相
生之次。本朱子儀禮之疏也。一均至調，一調七聲。聲
用二變，庭奏以律，升歌以呂。調用雙聲，本李氏元聲
之說也。至於二舞之容，則本周禮大舞小舞之制。宋
史文舞武舞之節，若趙慎言方色之論，李太常周舞
之節，韓邦奇虞舞之圖，亦未嘗不兼考之矣。其八音
之器，則本鳧氏之鍾制，磬人之磬制，若韞人臯陶之

度陳暘八音之論李氏吹孔之法亦未嘗不兼取之矣律爲萬事之根本可以審度可以嘉量可以平衡度則本於司馬光所定兼累之以上黨之黍符之以三體淳化之錢而度無不定矣量以周鬴爲法衡以漢制爲法其容受銖兩亦皆參之以秬黍而量衡無不定矣臣憂律呂之失傳傷諸儒之博會故不憚勞苦竭力研窮幾二十年乃敢會衆說而折衷之分爲六十餘卷欲獻之當宁隙有可采以爲大樂之助庶于載之謬可革而往聖之絕學不患於無繼矣

皇明經世文編卷之二百五十二

華亭

陳子龍臥子 徐孚遠闇公

編輯

宋徵璧尚木 周立勳勒尚

宋存標子建叅閱

趙恭襄文集

疏

趙炳然

題為條陳邊務以俾安攘事

臣等奉 命查盤徧歷諸塞諦觀形勢博訪邊情切

見宣大山西密邇 京畿三鎮邊牆二千餘里洪原

大陸爲虜要衝。俱非易守之地。加之繕治不崇。經畧未盡。又無可守之資。以致獷賊橫行。深犯肆掠。人畜漸廣。醜類實繁。夫地利人力。我無可恃。日增月盛。彼且方張。所以慮患憑凌。邊備孔棘。國家要務。莫此爲先。治世殷憂。宜大爲最。仰賴 皇上畱神安懷。布昭威德。賞罰不遺。遠近鼓舞。是以邊臣竭謀。將士宣力。近已遏劉。剉彼驕勢。中外臣民所共忻戴者也。但禦戎之道。修其在我。兵家之法。貴于有待。臣以見聞所及。揆之當今事勢。有戰守之功。而未修其實。得將

士之力而未固其心若不亟爲整飭加意運籌臣恐

讀之可爲于也

以我未實之邊應彼猖獗之勢驕胡肆寇其禍且長

不能不厯 皇上宵旰之憂也臣愚冒死敢爲 皇

上陳之且諸邊將士按營遠眺不戰久矣去冬戮力

于鳳皇山今秋効死于鵝鴿峪有能爲 皇上戰者

然求其實必屯養精銳披執堅利驅策臆壯而後可

以言戰臣見鎮屯兵尚多老弱勇可折禦十不二三

馬匹尪羸連羣骨立器械未備攘臂徒行如是而言

戰此臣等不能無憂也頻年寇犯如蹈坦途不守久

矣。今秋已過于鉄裹門。又過于弘賜堡。有能爲。皇

上守者。然求其實。必崇垣堅壁。高堡深池。防戍之力。

足以勝衆。而後可以言守。臣見宣大壕淺牆卑。盡地

議守。枵形孑立。風雨饑寒。晝夜無弊。即其平時已無

固志。不幸臨敵。非死則逃。如是而言守。此臣等不能

無憂也。且將士有餘力。而後有鬪志。有鬪志。而後有

戰功。向來邊士。諉于衆寡。強驕弱情。積弊有年。茲能

所向成功。徵調畢集。可謂能以力報。皇上矣。然必

養足以恤其私。而後志足以倡其勇。今諸邊糧餉在

在缺乏終歲關支俱是折色壹月米價止足旬餘朝夕一身且有不贍妻孥俯仰寄命何資夫即平時饑餒之卒責一旦効力之忠揆諸情理勢有未能此臣不能無憂也仰荷 皇上簡任邊臣頻給 內帑即今諸務漸次修舉但各邊諸臣猶有時可變通而或牽于法勢當易置而或窘于財夫財用不至于充足委任不得其便宜雖文如韓范武如頗牧亦豈能爲 皇上將 天威滅醜虜哉臣等職司耳目患切腹心

每于查理根究弊源謹條爲十二事冒昧上陳然此

不過習見常談，原非奇謀遠計，但雖經衆論而未見于行，或已施行而未底于効，是以臣等擇其有益邊情，允符羣議者，乃敢撫拾未議，輒爲此請，伏乞 勅下該部酌量可否，次第舉行。

計開

一集羣才以弘大業，臣惟方今邊方武臣自守備以上，平時練兵講武，有事抗敵設奇，文臣自守令以上，賊至保境完城，賊去撫殘恤瘵，其他常職，不與焉。比之內地諸臣，其責又當十倍，固宜謀勇蓋世，才畧

兼資極選時名。猶懼弗克也。臣等于三鎮人才。極常
留意。其間稱任。間亦有之。然武臣柔懦無恥。文臣之
內。調。簡。濁。流。此輩居常守靜。猶懼不可。而乃置之此
地。豈不債哉。伏願 皇上勅下部議。即行各鎮總督
撫按等官。武臣自叅遊以下。至于守備。文臣自守巡
以下。至于守令。以至管糧通判。儲積攸司。出納之間。
關係尤重。通為精選。拔擢某也可任。某也可更。某也
可降。某也可罷。務協衆論。一循至公。明白指實。疏名
上請。再乞 勅下部議。可任久之。可更調之。可降處

之可罷黜之。諸所乏員缺。必擇附近省分。武臣于壯
年英銳。文臣于進士舉人。曾經撫按。保荐考語。才智
謀勇。操守俱優。并地方相宜者。早爲陞調。勒限前來。
庶幾大小同心。文武共濟。常變素具。機會相符。戰守
皆宜。軍民有賴。其于國家所益多矣。然邊方員缺。
衆意未歆。一遇陞遷。若往遣謫。如此立法。欲屈羣材。
氣類相違。恐亦難矣。蓋爵賞者。所以奔走豪傑者也。
夫惟廟堂之上。一念優崇。非建邊功。不受上賞。非
然。人情。微。不。以。後。易。此。
歷邊宦。不列華階。陛下重之。孰不榮之。陛下榮

之孰不趨之。用非常之人。以收非常之功。平胡不足爲也。

一節浮費。以經財用。臣惟治邊之道。莫要于理財。理財之法。莫先于節用。夫生之者有時。而靡之亡度。諸邊財力。何得不屈。臣等訪得先年烽塵不作。農業以時。三邊之內。俱爲屯地。鹽行挽輸。各省歲運。又皆本色。內無擺邊之耗。外無征調之需。當時諸臣。身先節儉。故府庫贏餘。可供十歲。邇年以來。醜虜族繁。侵凌頻數。邊地荒壤。農作輒每違時。沿邊增置。召募漸廣。

調集戍守供億歲多加之當事諸臣間不體國一切用度恣意虛糜柴燭調和歲過千兩宴會紙劄更加幾倍官員遷轉折給車夫公差往來濫與路費多者或至數百金少者不下十餘兩其他賞犒莫可數計因而那移軍需律之以法俱非入已之賍裁之以義盡是不經之費臣等雖嘗切齒徒爲寒心伏乞勅下該部議行各鎮巡撫管糧等官各要樽節供應厚給士卒除引米課程聊足公用不致廢禮外比中一應錢糧查照舊規正支正用如養廉餘地等項歸之

月糧。樁朋秋青等項。歸之馬匹。尖丁料銀等項。歸之局造。小脚蓆皮等項。歸之倉廩。仍要彼此崇尚節儉。身先士卒。倘有仍前肆行那用。雖係支銷。得以法論。如此則公私有贏餘之積。士卒和而蓄儲可裕矣。

一。召降人以孤虜勢。臣惟輕生喜聞。雖則蠻夷之形。而烏合鴟張。實藉華人之用。臣等從事宜大。自春徂秋。每遇降人。虛心款問。所接益衆。所聞益詳。其言虜地。大半吾人。又聞擇我華人住虜年久。身有妻孥者。潛入內城。作爲奸細。若欲南犯。又擇華人精壯者。先

鋒幼小者牽馬。及至堡下。盡呼富民之名。數之曰。與我買賣。我貲汝堡。不者。合力攻之。是以一堡之內。大小驚惶。富者捐財。貧者給草。如就熟路。如責鄉人。此皆邊城黎庶。與虜爲用。豈不大可憂哉。臣等詳求其故。亦有繇然。前此邊城。大爲欺罔。一遇降人。盡被屠戮。頭充首級。馬入私囊。官攘其功。軍分其利。萬一得命。馬無所有。下無所依。上無所惜。慘毒剥害。控訴無門。遂使華人南向歛泣。至邊而返。有往無歸。夫豈不念族黨不戀故鄉也。蓋在虜或生。歸來必歿。孰肯捐

生以赴必死之地哉。近來招撫或有留情，然不過聽其自來，僅得不死招來六令，猶未舉行，蓋沿邊殺降積威所劫，脫今解網，誰則信之？又况消息不聞，通事不到，降人有限，留彼無窮。且臣等所審降人言尤可信，其稱某虜會某月南侵，所入道途頭目多寡，按諸已然如執左券。至于軍人爪探未敢過邊，所報邊情率多影嚮較之降人真偽迥別。爲今之計，伏願皇上勅下該部轉行總督及撫按諸臣，自今以後凡未聞大舉未經對敵而通事家丁邊軍墩卒陳報首級

者必係殺降。審究得實。即將前犯梟首原墩。張掛示衆。其餘邊牆隘口。徧列招降大旗。上書有能虜中走回者。無論罪逃。捨入。不但免其罪。仍復其身。有能身騎數馬。仍帶數人。走回者。馬各全給。爲首者。從重犒賞。有能取得酋長首級者。與以不貲之賞。晉以越級之階。仍多作段。絹紅黃小旗。盡將招降之情。明白大書其上。或募捷卒通事。或賂豪狹刺客。或遇燒荒之時。或有搗巢之會。深入境外。逼近虜營。即將前旗徧挿。要會彼虜。惟貪彩色。不諳漢書。一時流傳徧于沙

亦是以前旗

漢解思歸之士。寒毡裘之心。則是斷其牙爪。剪其羽翼。此亦反間之計也。若其來降。願回者。厚遣之。有馬者。貴易之。無歸者。恤存之。有功者。信賞之。首級者。重官之。其中有能洞識賊狀。出入虜營者。破格任用。隨材器使。則以中國之人。用強胡之技。一降而虜勢瓦解。一舉而衆利交。并其或爲之無功。招之不應。臣謂其決無是理也。

一分駐劄。以便整飭。臣惟折衝禦侮。陷陣摧堅者。武將之任。整飭兵馬。稽察錢糧者。文臣之責。故沿邊守

臣各有重寄。職務匪輕。但舊規駐劄俱在鎮城。且邊方烽警不時。故數年巡歷未徧。每遇擺邊防秋。遙受方畧。孰肯時巡塞上。躬自運籌。以致將領士卒。兵馬錢糧。率多廢弛。屢年失爭。厥有所繇。今秋臣等近見諸邊守臣。痛懲宿弊。駐劄極邊。所以將士用力。防守有備。醜虜數犯。所在驅出。但未題有事例。誠恐遵行不久。且宣大二鎮西北兩路。地平無險。爲虜要衝。若宣府之右衛懷安。大同之陽和右衛等處。俱爲要地。各有重兵守巡等官。相應駐劄。協同叅遊修飭武備。

督率通判調度軍儲。委于各邊。所裨不淺。伏乞 勅
下該部轉行總督撫按會議。兩鎮衝要城堡。如陽和
右衛等處。將各守巡分定。駐劄冬春二季。常川巡歷
催督錢糧。稽察奸弊。其兩鎮巡撫防秋之時。亦如總
督。今秋見駐陽和事例。各行量度要地。駐劄整飭。不
許久住鎮城。遙度頤指。如此則上下同體。將士作忠
義之心。彼此相維。而兵食免廢墜之患矣。

一時官糴以握利權。臣惟理財實經國之要。利權又
理財之機。利權在上。則操運重輕。得以通變。而貨泉

流沛。自無匱竭。故我朝鹽法錢鈔。著在今甲。正以握利權。經重國計也。但法因久弊。政以時殊。大利之權。下得操上。且如鹽法原以引目。飛挽實邊。今則弊于餘鹽之重。壞于守支之難。遂使良法。竟成故事。諸邊開種。承納無商。雖嘗減價均搭。多係強勒承認。宣大鹽糧。十止完五。三關引目。數年不行。鹽法利權。廢墜日久。諸邊缺乏。職此之繇。至于召買。則勢商豪賈。各挾重貲。徧散屯村。預行收買。小家已賣青苗。不得私鬻。大家乘時廣糴。閉糶牟勢。遂使利源先已閉。

塞。及至歲運到邊。將行召買。非舊商不召。非厚價不承。推調遷延。勢難盡強。恐失邊計。增價覓商。又將利流。復行遏阻。夫鹽法不能飛挽。召買必賴諸商。加之官吏不才。侵潤籠絡。拖欠插和。莫敢誰何。以致內帑頻發。邊餉不充。訪求其弊。利權不操耳。伏乞勅下該部會議鹽法。務復舊規。令納本色。至于召買。預前一年。多給糧價。訪古常平之法。大爲開糴。或委廉能之官。兩平市易。相地宜以儲積。設方畧以挽輸。務俾各邊芻餉。不必全倚諸商。如此利權歸上。奸商無

壟斷之心。市價可平。邊用免虛耗之費矣。

一給印信以便稽查。臣惟錢糧支銷。以文卷爲據。而文卷稽考。以印信爲憑。是文卷所以示遠。而印信將以防奸者也。况邊方出納之會。而錢糧奸弊之藪乎。臣等看得宣大二鎮。主客錢糧。總以部官巡守。分以五路通判。而通判者。召商給價。監守徵收。所係最重者也。但未給印信。止用私鈐。卷宗無據。莫可稽查。雖有關防。難辨真僞。至于修邊築堡等項。錢糧俱係巡撫。徑自委官。而沿邊城堡。亦多無印。職等吊查文卷。

多係白紙。原委人員。事故不在。雖有年月花名。工程次第。有無真偽。難以得知。及至沿邊查勘。欲行計工估費。俱云年久間多坍塌。索之卷宗。則茫無可憑。求之各邊。則頽然餘跡。至于按伏等項。其弊尤甚。但云潛匿險要。止恃勘合關支。及至按地詢訪。又多年久無據。職等雖竭盡餘忠。嚴爲磨勘。未能盡發虛冒。以至奸欺。此皆未給印信。文卷不真之故耳。伏乞 勅下該部查議。將五路通判沿邊有官無印城堡。行令鑄給關防印信。其五路召買收放。一應錢糧。俱要明

立文案用印鈐記。其修邊築墩委官亦要協同附近城堡該路通判有印官員計人驗工支銷錢糧一應卷簿互相印記。其案伏官兵雖是潛形匿影亦必多在內邊相近地方。豈無城堡經過處所有印信務使掛號眼同關文支用各立文案以備吊查如有情弊俱得查出如此則監臨者衆而積弊銷清印信可憑而支銷自允矣。

一復草場以廣馬政。臣惟國之大事在戎戎之大計在馬沿邊之馬政舊有良規既給芻糗各有贍田凡

遇城堡水草腴地。立有經界。僉爲草場。放牧有時。團
槽有法。所以閑適馴馭。自成雲錦。但積弊已深。良法
盡廢。俵兌寄養。飼秣不充。俱非印烙。臆息各鎮朋買。
樂于減價。又多矮小駑品。加之沿邊空乏。草束半爲
柴薪。豆料多充人腹。而養贍地土。盡行典賣。所在草
場。俱皆開墾。官豪勢要。兼并力耕。有馬軍人。不得牧
放。以致各營官軍。騎操馬匹。臆壯者十無二三。加之
私行馱物。雇倩坐騎。皮破脊穿。骨高毛脫。平時驅策。
尤不能前。一遇折衝。何能追逐。但逢戰陣。自多倒失。

况士利無馬。得免驅馳。百計中傷。十去四五。故本色馬價。歲加給發。而行伍征操。全無實用。諸邊之弊。莫此爲急。伏乞 勅下該部。轉行總督巡撫。多方收牧馬匹。設法點驗草料。其宜大草場。贍地。盡數查出。給與有馬軍人。蓄草牧放。耕種養贍。不許官豪勢要。強占盜賣。該申律例。嚴行禁約。至于操備馬匹。倒死者。仍要馬步相兼。不得聽伊畱後。若有故將壯馬。私行傷害。從重究問。懲以軍法。如此。則牧養有資。而騰壯可必。馬匹不耗。而征戰有需矣。

一議廣漕以充邊餉。臣惟宣大地方。出產有限。兩鎮兵馬支用無窮。加之寒鹵之區。禾黍不茂。肆塞之地。挽運爲難。即其豐稔。亦止僅足屯農。若復凶荒。盡皆仰給關內。生齒日繁。儲蓄無備。且各省輸運。俱係折色。頻歲虜殘。不得耕種。以至米價騰貴。士卒常饑。若不議廣漕運。終于邊餉不充。即如今春運米數十萬石。士卒有賴。防守無虞。故頻給帑銀。不如歲運倉米。臣反復思惟。延訪議處。各省本色。旣不能復。水陸漕運。自當講求。宣府逼近京師。猶可陸挽。大同地理險

遠車運爲難。切見桑乾一河。發源馬邑。直經大同。東過保安州。南抵蘆溝橋。澄澈泓流。可通舟楫。訪之父老。皆云。先年俱放木筏。惟有地名黑龍灘數處。石大水險。然木筏未嘗有阻。但北方之人。不善舟水。而諸商射利。陰欲阻撓。以致邊臣將議修通。輒自停止。職愚竊計。做壻堰之法。役四川善水之人。秋春二季。水平之時。小舟載運。必能有濟。即如通惠一河。議建有年。近始開濬。此固天地之利。有待今日者也。合無勅下該部。從長議處。將年例銀兩。截留十分之三。每

年陸運大倉之米數十萬石。直至兩鎮。查收米價不貴。照舊給與。仍選差才識明敏。能幹部官一員。自瀘河之口。溯流踏勘。直至馬邑。多方採訪。詳爲講求。或節行運撥。或量爲疏通。勘議明實。修開漕河。如此則水陸並運。而糗糒自多。兵馬有資。而邊圉自固矣。

一嚴追徵。以徵逋負。臣惟戎馬甲士。芻餉是需。絕徼寒陬。物產脊薄。飛挽之政。廢閣不行。召買之法。爲弊滋甚。詭名無賴。挾勢占窩。侵潤營求。派撥善地。間有留心邊計。懼耗軍儲者。必欲殷實舊商。同行保認。以

致小商不得徑認。大商坐索保錢。價未及領。利已先散。及至上納。管糧官員。倉場人役。計其所認多寡。以爲分例輕重。原報數目。止完一半。包梁插和。其弊百端。上下相沿。恬不介意。巡按查盤。皆云近年拖欠。京差磨勘。止供不應。未完。經收官攢事故去任。監追商犯。多是替身。遷延日久。視爲故事。一人而詭名數處。一身而拖欠數多。前未完納。後復承認。情重罪輕。弊深法弛。歲運若干錢糧。未得一半實用。邊儲虧省。莫甚于茲。若此痼弊。不行議革。徒以帑藏有限之財。濫

應諸商無窮之耗，欲得實邊，萬無是理。伏乞 勅下該部，行令各邊管糧衙門，凡遇召買，革去占窩等弊，議行搶納之法。其節年拖欠，名係侵欺，雖該臣等議罪題 請，但所侵錢糧，其數不少，務行巡按根究追完，不得如前，視爲故事，仍乞該部議 請條例鹽引銀易，列爲差等，各立期限，違限不完者，定擬何罪。從重議擬，務要各邊奉行遵守。如此則奸商無繇而侵盜，儲畜不致于虧省，邊備可實，兵馬藉之矣。

一任總督，以便運籌。臣惟宣大偏保四鎮地方，切近

京師寔爲要地。雖提督軍務。各有專官。然休戚不關。事權各異。所以更設堂卿。總督四鎮。正欲合縱連橫。萃漁專一同成。攘外之績。共奏捍內之休。較之三邊兩廣。所係更重者也。奈增置不久。勢權未一。或事當關白。各鎮徑行。或兵馬調發。自行請允。以致權不勝任。位徒虛擁。節年邊患。厥有所繇。此宜重任者也。且往時總督。止專兵馬。近來事例。兼錢糧四鎮。各邊文移雜選。一人批答。晝夜不遑。况係部堂大臣。不當復親細事。查得先年各有贊畫。甚是事體。但部官體

統督率未便。若竟裁革。似因咽廢食。况三邊有固原
兵備。兩廣有梧州守巡。似應增置官員者也。至于總
督之職。即右帥臣。文武兼該。親督戰陣。向來總督不
肯認事。每遇虜至。輒自嬰城。將士効尤。頻年玩寇。若
使總督所在。有兵二枝。盡心團練。則風聲鼓舞。諸鎮
振揚。督戰征催。何往不折。輯近禦遠。裨益良多。但四
鎮兵馬。各有專官。平時不得調操。有事各行遣發。名
爲總督。祇事虛文。似應增兵者也。伏乞 勅下該部
議處。查照三邊兩廣之例。申明總督之寄。凡四鎮巡

撫事干兵馬務。要會同。不得彼此執拘。各自徑行。仍將贖畫等官。查照三邊事例。專設兵備一員。駐劄陽和。贖理邊務。俾得盡心籌運。總督駐劄處所。許得專操兵馬一二枝。或于四鎮各調一千。或將河南山東民壯。量其多寡。減追工食。解赴總督。就便召募。通得常爲團練。隨行督軍。如此則才能盡于專任。兵自振于有本。虜患可平。疆場永謐矣。

一均賞罰。以作敵愾。臣惟勸懲有道。途人可爲強兵。賞罰失宜。父兄莫令子弟。此固治馭大權。尤是兵家

要務。今損折士卒。主將即坐失機。將領外難。士卒不聞重治。所以將權漸輕。士勢偏重。遇敵不戰。祇保全軍。或有忠勇敢先。多爲衆士撓阻。以致將士二心。各相畏避。此罰之不均者也。至于主客兵馬。同于防秋。犒賞之恩。似當均及。今客兵赴調。芻餉俱充。內地伏屯。休養自別。不似主兵。月糧不足。晝夜擺邊。因饑寒相去遠甚。况一旦臨敵。主兵衝鋒。遠殿按營。客兵故態。即有緩急。多不相援。夫主客之形。旣異。勞逸之勢。又殊。休養不均。旣已失其志。賞賚同給。猶或結其心。

今乃于無益之客兵。特加厚犒。而于盡力之守戍。僅止薄施。此賞之失均者也。伏乞 勅下該部。轉行總督撫鎮議定條格。特爲申明。務要隊伍將士。生歿同心。利害相倚。失軍者自有律例。失將者罪亦重擬。不得如前輕重士卒。至于主客之兵。必須合勢併力。不許自分彼此。坐視不救。其應支月糧。同爲處給。不得主獨缺。不時賞賜。亦乞大賚。不致偏重客兵。如此則防守有備矣。

一專委任以責久效。臣惟用賢之道。專任爲先。而治

效之成。久任乃著。捨是欲事功之成。勢有所不能也。臣等竊見地方久廢法度。中國長技盡屬彌文。奸細前來。備見虛實。驕胡肆志。侵犯不時。豈虜之強。我兵爲弱。豈虜之詐。我計則疎。若非付托得人。責專任久。竊恐一有沮撓。衆業俱隳。少有轉遷。前功不竟。甚非計之得也。伏望 皇上勅下該部。察其總督。撫鎮之臣。若有不肖。必賜速處。果能才兼文武。智盡謀猷者。懇乞轉行諸臣。每事延求。及時料理。某堡可設。某牆可增。某官可添。某兵可益。某爲要衝。可密也。而失

之疎。某爲無益。可減也。而失之贅。糧芻何以克裕。士馬何以精強。術藝何以熟閑。器械何以堅利。保甲何以有備。易買何以無奸。烽探何以益明。屯田何以漸闢。軍威何以大振。賞罰何以勸懲。與夫戰守之宜。機微之會。使之盡其才識。展其猷爲。處置一翻。條陳

上請。此則肯綮之論。對症之方也。與遙度臆想。功用之係。豈不大相遠哉。伏望 皇上俯從其議。採擇施行。若夫事體重大。請自 聖裁。或者機會可投。便宜處置。其他一切細故。許之徑自圖爲。仍乞假以歲時。

不及近利。苟能三載六載，外恬內嬉者，即係上功。大
晉爵秩，倘或微勞偉績，亦得異數勸酬，不得驟遷，以
便規避，則法久自信，功久自成，恩久自孚，威久自著。
昔唐虞之際，三考庶績，咸熙。余靖之帥，十年威被異
域，此其明驗也。苟或辱國玩師，養寇敗事，有孤委任，
罪抑何詞。此則命將之體，責成之道，而王逸臣
勞之義，不有係于此哉。

海防兵糧疏

臣惟成可大之業者，固在于用人，立可久之規者，尤

在于守法。蓋有人非法無據。有法非人不行。以人行法。事之所以永濟也。臣自抵任以來。咨詢既竭。寢食靡遑。謹將防海事宜。條爲八事。上請 聖明採擇焉。

伏望 皇上勅下兵部。如果可行。懇惟申飭。令臣督責司道將領軍衛有司文武等官。着實舉行。有不用命者。聽臣叅劾。此可以奏目前之安。而爲有備之筭。亦一策也。若夫求安攘之大計。立永久之弘規則。棟任守令。而責以民兵保甲之法。整頓衛所。而責以軍兵戰守之宜。敬修 祖制。內而沿海鱗次之兵。外而

出洋戰船之制。江之南北。浙與閩廣。各選一大將以統其權。擇數偏裨以專其地。隱然常山之蛇勢。仍行各省撫按等官。因邊以計兵。因兵以計食。允矣戰守之鴻圖。伏惟皇上下之兵部。酌擇東南幸甚。臣愚幸甚。

計開

一曰定兵額。臣惟將貴專謀。兵尚服習。欲觀號令之有紀。必須綱紀之素明。浙江之兵。原係募用土人。並非衛所尺籍。所用頭目。或名把總。或名千總。或名哨

官隊長所部各兵。或六七百名。或四五百名。或一二三百名。把總不必同于千總。千總不必多于哨官。權齊心異。似無體統。臣督同三司各道及總叅等官。會議兵額。除水兵因船之大小。布港之衝僻。祇應出哨。按伏打截。不在營伍之例外。其于陸兵。倣古什伍之制。五人爲伍。二伍爲什。外立什長一名。三什爲隊。外立隊長一名。三隊爲哨。外立哨官一員。五哨爲總。外立把總一員。五總爲營。俱屬主將一員。與高標旗纛。哨探健步書醫家丁等役。俱統領之。舉一營而各營

無不同也。舉一總一哨一隊，而各總哨隊無弗同也。非但虛數難容，錢糧有紀。如是而以上臨下，以卑承尊，名分定而號令行矣。

二曰振軍伍。臣惟民出賦以養軍，軍出力以衛民。今

守城者皆民也。兵則徒為盜。

之軍皆食民者也。然寇變之來，不惟不能衛民，每借

民以為城守之助。是養軍者民也，保軍者又民也。禦

賊者民也，保民者又民也。積弊已久，殊失設軍之意

矣。臣督行二司清軍，及都司操捕等官，通將所屬衛

所選委廉幹府佐官員，親詣吊查卷冊，備將實在軍

丁除屯運外。不分正餘清出。挑選正軍。老弱者就以本戶壯丁頂替。逃亡絕戶者。即撥隣近餘丁抵補。編成行伍。造冊在官。仍選任智謀掌印操捕等官。加意撫恤。不時操練。一面將各逃軍行原籍勾解。屯糧行所司追給。至于買閉占役差遣。跟官等弊。通行嚴革。目前雖未敢遽謂可用。而從此練成。與招募客兵表裏戰守。則主兵日充。主威日振。將來客兵可以漸減。衛所不有所賴耶。

三曰練民兵。臣惟以壯弓兵之設。本為防捕盜賊。盤

詰奸細而無軍州縣尤賴以備禦者也近雖半追工食以資募兵之餉然存留者不少各該官司或以之跟用役使或以迎送勾攝至遇編徭聽憑棍徒包當

王文成每以民壯成功乃知世人所用耳

曾無選練實用徒爲衙門市棍之藪矣茲者盜賊橫生不止外寇合將民壯弓兵務選精健應役責成該掌印巡捕等官以時操練習熟武藝遇警協助軍兵並力戰守有功之日各該官司並行獎勸各役重加犒賞如有縱盜殃民通行懲戒果能練成非但擒捕盜賊即使大寇突來而捍禦有具一役之練一役之

利也。郡邑不有所賴耶。

四曰立保甲。臣惟浙江地方在邊海則有倭寇。在內地則有盜賊。在河港則有鹽徒。在山僻則有礦徒。中間外作嚮導。姦細內爲接濟。窩家徃徃有之。若非申嚴保甲之法。以謹譏察。恐無以弭盜。合行守巡兵海等道。通查各府州縣城市鄉村。每十家編爲一甲。選一甲長。每十甲編爲一保。選一保長。平居責令互相譏察。不許出外非爲。及容留友人。併有窩隱不舉者。一家犯罪。九家連坐。甲長犯罪。保長連坐。仍令各甲

置辨隨便器械。一家有警，甲長鳴鑼，九家齊應。如賊
勢重大，保長鳴鑼，九甲齊應。一保鳴鑼，各保齊應，有
不出救應者，許被盜之家告官，或訪出，通行治罪。其
山海之間，大族巨姓，自相連合，方能拒寇，各保身家
者，仍立族長，平居有警，亦照保甲之法，有功者各與
官兵同賞，不救者亦與失事同罰，但不許令其出官
打卯，送迎勾追勞費等事。如此非但足以譏察內姦，
亦可以防禦外盜，一方之行，一方之利也。村落不有
所賴耶。

五曰明職掌。臣惟浙江一省，設六把總以分領水兵。四叅將以分領陸兵。又設一總兵以兼統水陸。練兵防禦，各有專責。曩因海洋有警，總叅等官統駕兵船下海，恐難分兵應陸，即以陸兵付諸海兵，各道管理，固一時權宜之處也。然各道之在地方，勢權爲重，而選練稽察，與夫錢糧尤爲至要，事固不可不假于各道耳。臣恐遇警之時，衝鋒破敵，又將官之事，各有定分也。今後總叅官員各照原分信地，用心防守。各道則選兵稽弊，調度錢糧外，其居常將官操練，該道閱

視。遇。敵。將。官。攻。剿。該。道。監。督。不。拘。水。陸。悉。照。遵。行。其。
臨。敵。功。罪。則。以。將。官。爲。重。平。時。修。舉。則。以。該。道。爲。重。
使。文。武。共。濟。不。得。互。諉。及。照。省。城。防。守。管。操。都。司。等。
官。于。水。利。道。設。兵。一。營。一。例。而。行。庶。職。掌。分。明。而。常。
變。有。託。戎。務。賴。以。振。揚。矣。

六曰分統轄。臣惟任將所以專事。分地所以責成。今
原設鎮守總兵官一員。住劄于浙江定海。以統浙直
水兵。協守副總兵一員。住劄于直隸金山。以統浙直
陸兵。此總督節制時事也。今總督已奉 明旨革去。

則浙直爲二鎮矣。伏望 勅下該部議擬。合無將總兵副總兵官各照信地在定海者止屬浙江。在金山者止屬直隸。各總理水陸兵務。如浙直鄰界水陸有警亦照巡撫事例俱要互相策應。勿分彼此。如有推諉觀望者聽臣等與該巡按御史參究。庶乎事有專責。兵有專統。既不失共濟之意。又可免牽制之矣。虞

七曰嚴哨應。臣惟浙江海防分布水陸兵已有定矣。然哨探者三軍之耳目而策應者一身之手足也。但各該將領官員平時而不先哨報。遇警而不相策應。

誠恐外寇突來。何以猝應。合行令海兵等道。監督叅
總等官。務要陸兵守險。水兵出洋。嚴行哨探。互相傳
報。必使水兵在洋。遇賊邀擊。不令近岸。縱有近岸。陸
兵堵截。不令輒登。即若登犯。併力夾擊。不令流突。又
或奔遽下海。水兵仍行截殺。不得捨船脫去。若或賊
登岸。而水兵不知。賊燒劫而陸兵纔覺。以致賊合勢
甚。用我嚮導。得我地形。是哨探之不明。傳報之不速。
防剿之不力。策應之不前。罪將何辭。失事官兵。先拏
處治。將領嚴行叅究。

八曰公賞罰東南自倭患以來刑賞之間屢經諸臣之所建白本兵之所議覆實申五等罰重臨陣可謂明且備矣臣尤有說者蓋運籌決勝主將之能也衝鋒破敵偏裨之任也今之將領退縮逗遛厥罰獨重矣而戰勝攻取厥賞可不獨優也耶其在督撫諸臣會計兵糧預謀戰守責固惟均而率三軍蹈白刃履危冒險所不與也以此較彼分自有間而功罪自不能以相同夫惟不同則公論能明而趨避莫售矣今之論賞督撫與主帥同是故有希功而捏報者矣今

之議罰。督撫與主帥同。是故有掩罪而扶同者。又或
功成于部下。而主帥不以明。罪始于頭領。而主帥不
能正。皆非利害相關。而指臂與心。氣之所以不貫也。
今後如有僨事敗軍。將領之責。視文臣固專。而論功
錄勞。文臣之賞。視將領貴薄。其在部下。尤當賞不遺
賤。罰必自始。庶法典至明。人心可勸。伏乞 聖裁。

為披瀝愚衷。備陳末議。以飭戎務事。

戎務

臣惟國之大事在戎。孔子所慎在戰。自古帝王安定
天下。未有不以克詰戎兵為至要者也。恭惟 皇上

應運中興。聖神文武擢臣以尚書之職授臣以京營協理之司。切念營中要務節目固多而綱領之大。不過曰選將練兵也。足食備器修馬政而查役占也。革奸弊而明賞罰也。臣數月以來徧訪羣謀備閱往牒于斯八者。諸臣屢言之。兵部屢覆之。見其于選將也。則用慣戰之邊才。罷積弱之庸帥。于練兵也。合操以習營陣。分操以習技能。于足食也。糧草按月放支。口糧防秋加給。于器械也。車兵爲之列營。射銃爲之攻擊。議修馬政。則月有查比。而歲有參究。議查役占。

則冊有開報。而營有抽點。議革奸弊。則將領清扣。而
巡視稽察。議明賞罰。則一年小閱。而三年大閱。宏綱
要領。可謂畢舉之矣。今日之事。臣惟與當事諸臣。以
一誠行之。而不爲虛文耳。謹條爲七事。上塵 睿覽。

計開

一曰議營陣以定操演。臣見今之合操。不過列以方
陣。開以四門。外爲裝塘。內爲衝敵。一出而三疊。能事
畢矣。問之分合變化。未講也。即一營而十二總。馬步
多寡不一也。什伍左右不定也。况合二營而爲偶。偶

列之而爲三，再合之而爲伍，爲八乎，以之營操似矣。用之臨敵，其能整乎。臣願于營中，擇選將之，曾經戰陣者，非敢遽以古人如諸葛之八陣、李靖之五花，始自今方陣三疊法，但要開闔變化，進退周旋，隨機應用，什伍隊哨有定規，左右前後有定次，舉一營而十二總，馬步什伍器械同也，合二三營四五營，而馬步什伍器械無弗同也，自易而難，自簡而數，久久服習，則目熟旌旗，耳熟金鼓，手熟擊刺，足熟步武，呼吸變化，動中機宜，斯誠節制之師，奇正分合，井井有條，自

然臨敵而不亂矣。臣又見今之分操演銃。每軍止放一銃。豈能習熟。演射雖用四矢。止于五十步。豈能習遠。所設銀牌。每重三錢。豈能可繼。臣願習銃。加以三發。把仍其舊。而銀牌易以一錢。習射展以八十步。亦以三矢。把准銃式。銀牌亦以一錢。蓋銃三發。則教法可盡射八十步。則巧力俱全。賞牌俱以一錢。雖久而可繼矣。恐說者謂三銃多費彈藥。不知省費技生。反致徒費。欲精技藝。當不惜此。

二曰練步技以全戰兵。臣惟醜虜所恃。惟騎與射耳。

跡其入犯。一身而聯數健馬。我馬莫敢能當也。一手而挾數利鏃。我射弗能及也。其來山崩其去鳥疾。况我馬不多。而欲與馳逞。是以我所短。敵彼所長矣。然我之長技。惟恃火器。但火藥有時而窮。短兵素不能備。苟一遇賊。心膽俱破。輒發銳砲。一舉盡也。彼虜伺便。鐵騎橫衝。而我之火器。又不足恃。不格明矣。考之宋臣岳飛。常用麻札刀入陣。屢破兀朮拐子馬數萬之衆。臣願于戰兵每營三千中。因其技力而三分之一用馬軍。一用火器。一用短兵。短兵即今之長刀。利

鎗鈎鏢滾牌之類是也。酌量分授。定以行伍。付諸教師。分練短兵。悉照射鉞之例。而行其賞罰焉。賊于百步之外。舉砲擊之。五十步之外。舉弓射之。至于合戰。短兵奮擊。非人則馬。專爲制馬之策。虜無馬。則無足。是以我所長。攻彼所短矣。

三曰增戰兵以固車營。臣惟醜虜入犯。逞騎長驅。我兵猝逢。無所捍衛。前議車兵。行而爲陣。止而爲營。可矣。今按車制。每營軍三千人。計車一百六十輛。每輛用軍十人。共用軍一千六百人矣。餘者則金鼓旌旗。

執役雜冗與放火器而持弓矢耳。每營騎兵多者二百。少者數十。但既少騎射。又乏短兵。遇賊衝突。人無固志。夫誰與守。原議曰。戰兵六枝。不敢獨恃。必恃兵車。以爲營衛。車兵十枝。不敢恃守。必恃戰兵。以爲爪牙。是戰兵與車兵相倚。而不可相無明矣。今車兵一。枝。戰兵止于六枝。尚少四枝。能不爲缺典乎。况戰兵原備征調。又顧車兵。能不爲單弱乎。臣願于車兵每營三千中。再加酌議。合用挽車若干人。火器弓矢若干人。仍增短兵若干人。馬軍較之戰兵。宜從少減。定。

用若干人馬有不足。兵部查照補給。使兵車十枝。一例而行。再於城守兵一十四枝內。選出四枝。以爲戰兵。將用邊才。兵挑壯勇。其馬步火器。短兵教練之法。與前六枝。一一相同。使戰兵十枝。一例而行。如此非但車兵有唇齒之勢。而戰兵有虎豹之威矣。臣尤慮焉。兵將之心。貴于相識。操練之法。難以速成。先該兵部議題。原統將官。用意訓練。務底成效。不得輕易推遷。誠得其要矣。即今戰兵車兵。共該將官二十員。所用必謀勇。所退必庸怯。即有缺員。務擇邊將之良。責

之訓練之事。仍期積有成效。立有顯功。然後超格擢用。庶幾營有久練之將。將有久練之兵。戰兵可戰。而車兵可營。不拘分合。皆有所賴矣。

四曰實行伍以壯城守。臣惟三大營之兵。在國初時三十餘萬員名。至景泰年間。挑爲十二團營。每營一萬員名。三大營之兵。遂不可用矣。至正德年間。又挑爲東西兩官廳。共兵三萬六千員名。十二團營之兵。又不可用矣。仰惟皇上洞照屢更之積弊。光復三營之舊規。欽定將官三十員。領兵三十枝。謂之

正兵。外剩官軍一萬餘員名。謂之備兵。各專訓練。其正兵不堪。即於備兵選補。法至善矣。臣今見議戰兵增爲十枝。餘下城守兵。則十枝矣。但其數原皆不足。其心又安于城守。若不整理。又復至于不可用矣。臣訪得備兵內尚有隱下壯兵。及於內擇委廉幹將官。照數選補。如有不足。仍從兵部再行京衛清勾。或併清餘丁。或發新軍。或另召募。務足十枝。各滿三千之數量。用馬匹。較與車兵。宜再少減。議定撥給。使守兵十枝。一例而行。既選之後。本部查實入冊。戶部照冊。

收糧其訓練亦照戰兵之法。如此則我皇上三大營之宏規。與三千之定數。可以練成精銳。可以鎮壓華夷。尤爲一代之兵制矣。

五曰正兌支以裕軍儲。臣惟京營官軍。惟賴俸糧以資俯仰。所係誠至切也。邇來放支。雖已及時。倉中積弊。未能盡革。每月官軍各出使用。與倉官吏書斗給等役。方得好米。否則不支朽腐。或支插和。臣嘗訪之倉糧收貯。揆陳序支。即有陳腐之儲。已議調停間放。如有插和之弊。宜從曬揚始收。此戶部已行之法也。

何以有此哉。臣先任浙江巡撫時兩年。兌軍甚費心力。蓋糧長交兌。米之美惡。誠有不齊。運軍承兌。因役艱難。備極刁措。雖曬掠有三日之限。加增有百石之規。計其所索。年多一年。少不如意。羣呼聚毆。詐人命而辱糧官。諜城市而挾公署。有司懼其連累。只得隱忍。勉完。有等奸民。賄托勢家。與之壓兌。亦有奸軍。收買糶稻。潛移兌所。恣行攙和。及至抵京。仍又打點以圖倖收。積弊已久。各省皆然。臣在浙時。已有查治之者。凡此壞交兌之紀綱。蠹軍需之命脉。干係誠非小。

矣。臣願戶部申明監兌舊規。行之各省。撫按于當兌之期。嚴督糧儲。守巡各道。會同監兌衙門。親至水次。從公督兌。其京倉官斗吏書。收糧必要乾圓潔淨。坐糧官廳。揆倉必要挨次調停。于中果甚不堪。或再議爲別處。不使吏書得行其私。而官軍偏受其苦。倉房滲漏。即時查修。人情請託。通行盡革。庶紀綱正而儲積精。官軍口食有資。而敵愾自勵矣。

六曰足班軍。以充拱衛。臣惟山東河南中都留守三都司。輪班官軍。祖宗朝原爲保固。京師。彈壓奸

究而設。凡有失誤。一班二班三班。在逃一次二次三次者。問罪有差等。立功有遠近。至于領班各官務在軍政之內。掌印僉書。挨次輪流。該班者不許避難。改委回班者。仍從掌印僉書。正使官不失職。軍不失伍。法至密矣。邇來官以領班爲苦。差軍以上班爲故事。春秋二季。每不依期。甚至文到而官軍不來。半至而中途逃脫。徒有該道都司查解之名。巡撫巡按題知之例耳。彼衛所亦就空虛。此京營未見充實。兩地躲閃一事無資。况三營之兵未及十萬。比之往昔。見

稍耗矣。臣願兵部申明累朝失班逃班之法。兵備都司點查督解之規。巡撫巡按必須查實起程。方行據實題奏。到京之後。本部查明發營。本營查明發操。律之營兵。宜若稍寬較之營操。不可或廢。以不失

祖宗京班之深意焉。如有仍前逃誤。或中途在逃。或班期未滿。不取本營批廻。竟取府部批廻。遂即逃歸。捏文搪塞。俱從兵部照例叅治。夫班軍如此。萬一有警。用之征戰。雖苦不能責之城守。亦甚有所賴矣。

七曰錄久勞以示鼓舞。臣惟營中將領有副叅游佐

以總各營之綱。其練兵已成。功績久著者。見經臣議。從兵部超格擢用外。然奔走其下。大號頭則有八員。中軍則有三十員。千總則有六十餘員。把總則有三百餘員。皆分理所甚賴。而訓練所由成也。于中考其歷任。或至十一二年者。察其才品。亦有謀勇勤慎者。况京營事體艱難。武流俸資涼薄。而把總之官。乃薦揚所不加。推陞所不及。抑何以勸厥良而鼓羣動哉。除各官之內。有不堪任者。仍聽巡視科道差滿論劾。臣等年終閱退外。前項各官。果有歷年久遠。謀勇

勤慎堪備採錄者。俱從巡視科道差滿量行薦揚。臣等年終訪具考語送部。俱從本部再加體察。各因才器。內外陞遷。庶使賢勞者。足以勸于前。而向上者。自能勵于後矣。伏乞 聖裁。